



ЛЕНИНЭНЬ КИЯВА

1941 ие
А П Р Е Л Е Н Ъ
9-це чи
39 (1335) №

ЛИСИ: 11-це ие,
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

Тунда видемась ды велень комсомолецтнэнь задачаст

ВКП(б)-нь Всесоюзной партийной конференциясь аравтсь социалистической велень хозяйстванть икелев задача—получамс 1941-це иестэнтъ 7.900 миллион пондо зерна. Сарей урожаенть кис бороцямосонть успехенть васняк решил тунда видемантень вадрясто анокстамось ды сонзэ образцовоистэ ютавтомась.

Тунда видемантень анокстамосонть ды паксясо роботатнэнь ютавтомасост пек покш роль налксить велень комсомолецтнэ. Велень комсомолецтнэ—те колхозтнэсэ, совхозтнэсэ ды МТС-тнэсэ покш вий. Велень комсомолецтнэ призваны сарей урожаенть кис бороцямом тевсэнтъ активна лездемо хозяйственной руководителтнэненъ ды партийной организациятнэненъ.

Овси аламо чить кадовсть се шкас, зардо минек республикань колхозтнэ лисить паксяв виде. Весе ли анокстазь велень хозяйствань роботатнэнь те пек важной шкантень? Меze эряви теems, штобу видеманть вастоме организованойстэ ды ютавтомс сонзэ побольшевиcтски? Тень кувалт эрви неень шкастонть серьезнойстэ арсемс велень комсомолецтнэненъ.


Эрви теems иcтяз, штобу улелель анокстазь весе мелочень пес, теems роботамонь четкой план, видестэ аравтнемс вийтнэнь, штобу эрва колхозось организованойстэ лиселель паксяв ды прыдовлисе видеманть сехте нурька шкас. Минек улитъ аволь аламо велень комсомольской организациянок, косо комсомолецтнэ максеть эрвачинь леске колхозтнэненъ сарей урожаенть кис бороцямосонть. Сынст ютксо, васняк, эрви тешкстамс Ковылкинской районнь Тельман лемсэ колхозонь комсомольской организациянтъ (секретаресь И. Кочия ялгас). Тесэ комсомолецтнэ примастъ активной участия видьмекстнэнь сортировамосонть, пурнасть ды ускеть паксяв ламо местной удобрения, проявили инициатива сень коряс, штобу эсь шкасто улелель витезь ды парсте оборудовазь паксян стантинь. Комсомолецтнэ организовать инициативной группа, кона проверакшны тунда видемантень колхозонтъ анокчинзэ, лезды лангс таргазь асатыкстнэнь маштомасонть.

Истя жо активна участвують тунда видемантень анокстамосонть Косогор велень «Большевик» колхозонь (Б.-Березниковской р-н) ды Покш Маризь велень «12 годовщина Октября» колхозонь (Чамзинской р-н) комсомолецтнэ. Нетъ колхозтнэ целанек анокт лисемс виде.

Мордовиянь колхозтнэсэ, совхозтнэсэ ды МТС-тнэсэ комсомолецтнэнь ды од ломатнэнь ютксо келейстэ ушодовсь социалистической соревнования тунда видемантень анокстамонть ды сонзэ успешно ютавтоманзо кис. Весе комсомольской руководителтнэнь задачаст ашти сеньсэ, штобу охватить те соревнованиясонть весе комсомолецтнэнь ды колхозной од ломатнэнь, келейстэ популяризовамс сарей урожаенть мастертнэнь, теems сынст опятэст весемень достояниякс.

Чарькодеви, што седе сарей урожай сайть сеть колхозтнэ, конат нурька шкас ды вадря качества марто ютавтсызь видеманть.

Вадрясто анокстамс тунда видемантень ды успешно ютавтомс сонзэ—те велень комсомолецтнэнь боевой задачаст, те сынст честень тевест!



Гимнастической соревнованиятнэнь 1-це чись Саранскойсэ. СНИМКАТНЭСЭ: (кеш ёндо витев) 12-це № школань тонавтниця Шура Шалимова перекладина лангсо. (Омбоцесь) фельдшерско-акушерской школань тонавтниця Ольга Несмелова моли бум ланга ды колмопесь 12-це № школань тонавтниця Л. Ткаченко тейни упражнениат брусъясэ. Фотосъ Б. Козловонь.

МЕЗЕ НЕВТСЬ ВАСЕНЬ ЧИСЬ

Апрелень 6-це чистэ Саранск ошсо ушодовсь массовой гимнастической соревнованиятне, 660 шумбра юноша лисеть невтеме эсест виест, эсест ловкостест.

Успешнойстэ молить соревнованиятне 1-це № школосонть. Эрва валске те школань коридорстонть и тестэ и тосто неят цёрань ды тейтерень группат. Нетъ—десяток, конат командань коряс совить ванькс, проветренной залс ды кармить упражнениань тейнеме. Сех вадрясто тейнить упражнениатнэнь Воронков, Полежаева, Цыганов ды Васильева комсомолецтнэ. Сынъ упражнениатнэнь точной исполнениань кис получать 10 балльной оценкат.

Педучилищасо соревнованиятнесэ примить участия 157 тонавтниця. Сынст эйстэ 20 ломань получать 10 балльной оценкат. Сех примерной гимнастнэ: Батов, Бабенков, Киреев, Панфилова, Корнеева ды лият.

Вадрясто анокстызь вольной упраж-

нениатнэнь Мордовской пединститутсо. Но соревнованиятнэнь васенце чистэ тосо гимнастической соревнованиятнесэ примить участия ансяк 67 ломань. Истя аламо секс, што комсомольской организациянь комитетэсь пек эзь заботя тень кисэ.

Фельдшерско-акушерской школасо улитъ весе возможностне соревнованиятнэнь вадрясто ютавтоманть туртов. Но школань дирекциясь ды комсомолонь комитетэсь оймавтыть эсь прят истямо кортнемасо: «кенердяно, шкась икеле...» Секс те школась анокстась ансяк 20 участник. Малав истямо жо ладсо ашти тевесъ 12-це ды 14-це школатнесэ.

Апрелень 20-це чись соревнованиятне должны прыдовомс. Комсомольской организациятнэнь задачаст мобилизовамс весе эсь виест массовой гимнастической соревнованиятнэнь вадрясто ютавтомаст кис.

И. Прончатов.

КОТЬ ВАНДЫ АНОКТ ЛИСЕМС ВИДЕМЕ!

Покш леске тунда видемантень анокстамосонть максеть Шугурова велень комсомолецтнэ эсест козхозонтень. Сынъ аравтеть вадря уход лишметнэнь мельга, мезень коряс лишметнэнь упитанност кармась улеме паро. Вадря качества марто сортировизь видьмекстнэнь. Вельхозинвентаресь умок уш ремонтнировазь ды кирдеви сарайсэ. Колхозосъ котъ ванды анокт лисемс виде.

Комсомолецтнэ ней виевгавтыть социалистической соревнованиянтъ колхозниктнэнь ютксо. Колхозниктнэ сайть эсь лангозост обязательствэ ютавтомс видеманть 7—8 чис. Ф. Пивкин.

Б.-Березниковской район.

Кодак ансяк солы паксястонть лосось, П. Маризь велень «12 Октябр» колхозосъ организованойстэ лиси виде. Сон уш эрва ёндо анок видемантень. Вельхозинвентаресь умок витнезь. Видьмекстнэ сортировазь ванькстэ.

Комсомолецтнэ пурнасть ламо местной удобрения—кулов ды саразонь помет.

Л. Камнецев.

Чамзинской район.

СЕХ ВАДРЯ ОТЛИЧНИКТНЕ ПРИМАЗЬ КОМСОМОЛС

Алеев Володя тонавтнемань меельс вете иетнэнь перть ловови алкуксонь отличникес. Ней сон тонавтни Чамзинской средней школань 8-це «В» классонть эйсэ. Володя ульнесъ меельс шканть самс активной пионерэкс. Кочказь классной организаторокс. Лезды эсензэ ялгатнэненъ, седе лавшосто то-

навтниятнэненъ.

Нетъ читнестэ Алеев Володя примазь ВЛКСМ-нь рядтнэс. Комсомолс истя жо примазь Кузьмичева, Кусакина ды зырыя лия пионерт. Весе сынъ кундасть активной комсомольской работас.

А. Симдянов.

Чамзинской район.

Колхозной сех паро од ломатне призванойть ФЗО-нь школав

Ромодановской районсто фабрично-заводской обучениань школав эрвась мобилизовамс (призвать) 51 од ломань. Тонавтнеме жо бажильть молеме пек седе ламо од ломать. Призывной комиссиянтень кучозельть зыря кементъ заявленият. Од ломатне энялдыть примамс сынст ФЗО-нь школав. Сынъ сёрмадыть эсь заявлениятнесэ седе, што пек бажить улемс минек социалистической промышленностень квалифицированной робочеекс.

Районсонть призывной комиссиясь работась мартонь 20—24-це читнестэ. Весе од ломатнэнь, конат ютызь комиссиянтъ, шумбрачист отличной.

Аволь ансяк эсь заявлениятнесэ, но и устно, комиссиянь члентнэненъ, од ломатне энялдыть примамс сынст ФЗО-нь школав. Сынъ яволятнелить седе, што тонавтнеме кармить ансяк отлична ды тонавтнеманть прыдомадо мейле молить роботамо тов, ков кучсызь партиясь ды правительствась, роботамо кармить ансяк стахановецэкс.

А. А. Скудов ялгасъ (Антоновка велестэ) комиссиянтень кучозь заявлениясонзо сёрмады: «Энялдан зачислить монъ ФЗО-нь школав. Монень 17 не, прыдынъ 8 класс. Омбоце не роботан колхозсо. 1940 иестэнтъ теинъ 525 трудчи. Бути монъ примасамизь ФЗО-нь школав, тонавтнеме карман ансяк отлично, школанть прыдомадо мейле жо молян роботамо тов, ков кучсамизь ды карман роботамо стахановецэкс ды тонавтнеме весе заданиятнэнь, конат улитъ путозь монъ лангс».

Истят заявленият призывниктнэнь ды сынст тетяст-аваст пельде ламо кучозельть комиссиянтень.

150 од ломань сакшнось призывной комиссияв. Весе сынъ—парт, шумбрат, грамотнойть. Эрвась бажиль молемс тонавтнеме ФЗО-нь школав. Комиссиясь сынст эйстэ кочкась истянь, зяро эрвась планонь коряс—150 ломань.

А. Пятунин.

ВЛКСМ-нь Ромодановской райкомонь секретарь.

ЭСЕНК РОБОТАСО ПРИМЕРЭКС УЛЕДЕ, КУЛЬТУРАНТЬ, ВАНЬКСЧИНТЬ, ПЛАНОНТЬ КИСЭ ТЮРЕДЕ!

Невтемс трудонь образецт

Саранскошнь консервной комбинат-сонть 56 комсомолец. Те истямо вий, кона может максоме леске дирекция-тень ды партийной организациянтень производственной планонть топавтоман-зо кис бороцямосонть. Ды эряви меремс, што улить аволь аламо комсомолецт, конат эсест честной, добросовестной роботасост оправдывают ВЛКСМ-нь член-нень покш званиянт. Комсомолецтнень ды комсомолкатнень ютксо улить замечательной стахановецт ды стаханов-кат, конат невтить социалистической трудонь образецт.

Консервной цехень стерелизаторось комсомолкась Кудрявцева ялгась производственной заданиянзо эрва чистэ ды эрва ковсто топавтни 125 ды се-де ламо проценте. Сон парете содасы эсензэ темень техниканть, тонавтнесь лия профессияткак. Роботы вадра качества марто, брак сонзэ роботасо а эрскешни.

Механической цехень токарьсь Пол-дамасов ялгась норманзо топавтни 250—280 проценте, молочной цехень аппа-ратчицась Цыганова ялгась кармась обслуживать ламо аппарат, норманзо топавтни 110 процентстэ 150 проценте. Консервной цехень рабочеесь Королев ялгась честно, добросовестно относится эсь роботантень. Сонзэ показателнзэ свал эрсить цехсэнь сехте парт, нор-манзо топавтни 150 ды седе ламо про-центе.

Но аволь весе истя роботыть комсо-молецтнэ. Улить нормань а топавтни-яткак, примеркс: Лукин, Крысина Карев ды лият. Улить истяткак комсомолецт, конатнень роботань качества пек ал-кине лиясто тейнить мик брак. Ком-сомолецтнэнь ютксо ульнесь прогуль-щикткак (Арзин, Афанасьев, Дементь-ева).

Партийной бюросо кунцолозель ВЛКСМ-нь комитетэнь секретаресь Ко-пылов ялгась комсомольской роботань вопросить коряс.


Партийной бюрось тешкстызе, што комсомольской комитетэсь роботы лав-шосто ды вешь сонзэ пельде, штобу сехте малас шкастонть весе комсомоль-ской роботас улевель направленной Всесоюзной партийной XVIII-це конфе-ренциянь решениянтень топавтоманть кис бороцямонтень. Консервной ком-бинатонь коммунистнэ максеть комсо-мольской организациянтень те тевсэнь эрявис леске.

Консервной комбинатонь партбюронь секретаресь ВЕТКАСОВ



Саранской консервной комбинатонь механической мастерскойтень токарьсь стахановецэсь Н. А. Полдомасов свал вельска топавтни производственной заданиянзо.

СНИМКАСОНТЬ: Полдомасов ялгась ро-ботамето. Фотось Б. Козловонь.



Консервной комбинатонь молочной цехень сепараторщицась-стаханов-кась С. С. Цыганова производственной заданиянзо топавтни 110—150 про-центе.

СНИМКАСОНТЬ: Цыганова ялгась роботамето сепараторонть эхсэ. Фотось Б. Козловонь.

Производственной впроствнэнь решамонть эйстэ ве ено

Совинек консервной комбинатонь ме-ханической мастерскоентень. Сельменек икелев сеске жо каятотсь якамо тар-кас ёртнэзь кшнить. Сынт ланга се-кенъ вант пупордат... Вейке токарной станок вакссо киякссо, пильгалга уск-севичь стружкат. Мастерскоень началь-никесь комсомолецэсь Матюшкин ял-гась ды комсомольской комитетэнь сек-ретаресь Копылов ялгась кортыть, што мезеяк нельзя тееме, штобу станокс-тонть стружкатне авольте певере кияк-сос, истя уш станокось теэзь. Мезеяк, келя, берянесь арась, мейле стружкат-не вейкенъ пес кармить улеме пур-назъ...

Цехсэнь 5 комсомолецт. Роботыть сын а беряньстэ. Примеркс, Н. Пол-дамасов ды Б. Ивенин ялгатне свал вельска топавтнесызь эсь нормаст. Но эряви меремс, што комсомолецтнэньгак еще аволь сатышка трудонь культу-раст. Сынт роботаме таркасосткак эр-сичь кода понгсь ёртнэзь инструмент, кшнни петь ды лият. Арась еще сатыш-ка инициатива сень коряс, штобу бо-роцямс цехсэнь образцовой порядо-конь ды ваньксчинь кис.

Квасильной цехсэнь — захламлени-ность, рудаз, эрва кува ёртнэзь ящикт. Консервной цехсэнь, косо роботыть 11 комсомолец, ки соды зяро мусор, ёрт-нэзь конёвт, лат, тапсезь банкат, су-ликат ды лият.

Беряньстэ роботы банкомойной це-хесь. Сеетъстэ тосто лиснить рудазов, беряньстэ шлязь банкат. Лия цехтнесэ неть банкатнень пештить продукциядо, а мейле лисни брак.

Анок продукциянь цехсэнь истямо беспорядок, истямо захламлениность, што тува а ютаваткак. А складонь на-чальникесь комсомолец — Цегольник ял-гась.

Ламо рабочейть ды сеетъстэ натой комсомолецт беряньстэ относится оборудованиантень. Консервной цехсэ Крав-ченко ды Холопов ялгатнень инстру-ментэст сеетъстэ эрсить чемениязь, ин-струментэнь кирдема коробкась вель-тязь а урядавикс чеменьсэ. Зярыя цех-сэ кой-кона рабочейтне ды работницат-не машинатнень, станоктнень роботадо мейле а урядакшносызь, а ваднекшне-сызь.

Кой-кона цехтнесэ оборудованиась теве нолтневи аволь сатышкасто. При-меркс, ящичной цехсэнь ули кругло-вой электрической пила. Сон исполъ-

зуется ансяк 30 проценте, весе лия шканть перть роботы, кода мерить, «вхолостую». Сонзэ лангс лезэвтеме ёмси электроэнергия. Молочной цех-сэнь закаткатне роботыть ансяк пель-чи, мейле жо аштить истяк. Ды кой-кона лия цехтнесэяк оборудованиась, машинатне используются 30—50 проценте. Фруктовой цехсэнь цела не лезэвтеме аштекшнесь гидравлической пресс ды кортыть, што тедидак теве а карми улеме нолдазь. Сон, келя, во-обще а эрявикс.

Комсомольской организациясь теек-шнесь экономиянь коряс комиссия. Сонзэ пряттокс аравтозь Молочной це-хень начальникесь комсомолецэсь Зай-денберг ялгась. Те шкас те комисси-ясь мезеяк эзь тее.

Арась алкуксонь бороцямо трудовой дисциплинанть кемекстамонзо кис. Сеетъстэ сынсь кой-кона комсомолецтнэ колсичь трудовой дисциплинанть (Азин, Афанасьев ды лият). Мартонь 24-це чистэ икелень комсомолкась А. Дементь-ева 40 минутас поздазь роботас. Ад-министрациясь сонзэ марто примась соответствующей мерат, а комитетэнь секретаресь Копылов ялгась тень ку-валт вопроскак эзь аравтне а комитет-сэ, а собраниясо. Мартонь 29-це чис Дементьева ульнесь комсомолонь рят-тнэсэ. Консервной комбинатсо меельсэ 9 ковтнень перть ульнесь весемезэ 82 прогул.

Комсомолецтнэ еще эзть зана цехтне-сэ авангардной роль. Аволь весе сын невтить образцовой роботань пример. Комсомолецтнэнь ансяк пелешкаст ста-хановецт ды ударникт. Весе лиятне жо роботыть кода понгсь ды эль-эль топавтнить производственной нормаст. Кой-конат жо (Лукин, Крысина, Ка-раев ды лият) нормасткак а топавт-нить.

Комсомольской комитетэсь эзь машто эсь шкасто ды по-большевистски моби-лизовамс комсомолецтнэнь Всесоюзной партийной XVIII-це конференциянь ре-шениянтень топавтоманть кис боро-цямо. Ансяк мартонь 29-це чистэ комсомольской собраниясо толковазель партийной конференциянь решениянте, ды сестэяк партбюронть вмешательст-ванзо кувалт, истяк бу Копылов ялгась те шкас аволь чарькоде тень тееме.

Е. Пятаев.

Топавтыть социалистической эсь обязательстваст

Котонинной фабрикань коллективесь аволь умэк примась обращения Саранск ошонь ды Мордовиянь весе промыш-ленной предприятиянь рабочейтнень, работницатнень, инженертнень, тех-никтнень ды служащейтнень.

Коллективесь сайсь эсь лангозонзо конкретной обязательстваст: шкадо ике-ле—апрелень 26-це чинтень топавтомс котонинной производствасонть апрель-ской планонть ды июнень 20-це чис топавтомс омбоце кварталонь планонть. Квартальной пландонть вельска вы-работать 185 тонна котонин ды 62,5 тонна картон.

Обращениянь примамосонзо ушо-довсь весе цехтнесэ келей социалист-ической соревнования. Соревнованиянь инициаторокс ульнесь коммунистэ, комсомолецтнэ, стахановецтнэ ды удар-никтне.

Партийной XVIII-це конференциянь решениянзо топавтоманть кис, обра-щениясонть саезь эсь обязательства-нень топавтоманть кис ней бороцить котонинной фабрикань рабочейтне, ро-ботницатне, инженерно-технической ро-ботниктне. Тень коряс сех икеле мо-лить комсомолецтнэ.

Картонной цехень комсомолкась Дружинина мар-товской планонзо топавтызе 153 проценте, Мухина ялгась 142,2 про-центе. Систематически вельска топав-тнить эсь планост котонинной цехень комсомолкатне Ветлугаева ды Надеж-дина ялгатне.

Васенце кварталонь планонть фабри-кась топавтызе 107 проценте ды теде башка макссь 69107 килограмм кар-тон.

Картонной цехесь икеле ульнесь сех удалов кадовикс. Меельсэ шкастонть комсомолецтнэ ды цехень начальникесь комсомолецэсь Ворожейкин ялгась до-бовизь сень, што цехесь кармась лисе-ме икеле молия цехтнень ряттнэс. Ней цехесь вельска топавтни эсь пла-нонзо ды нолтнни паро качествань продукция. Примеркс: мартонь 29-це чистэ планос топавтозель 104 проц., апрелень 1-це чистэ 110,6 проц., апрелень 3-це чистэ—106 проценте, апрелень 7-це чистэ 105 проценте.

Котонинной фабрикань коллективесь бороци сень кис, штобу по-большеви-стски топавтомс Всесоюзной партийной XVIII-це конференциянь решениянтень, саемс васенце тарка предмайской со-циалистической соревнованиясонть. Ф.К.



Консервной комбинатонь молочной цехень закатчицась-стахановкась А. Е. Резаева производственной заданиянзо свал топавтни 120 проценте.

СНИМКАСОНТЬ: Резаева ялгась зака-торной машинанть эхсэ. Фотось Б. Козловонь.

ЭЙКАКШОНЬ ЛИТЕРАТУРАНТЬ КОРЯС СОВЕЩАНИЯСТО

Максодо вишка ловныцятненень туртов вадря произведеният!

П. КОНОМАНИН ЯЛГАНТЬ ДОКЛАДСТО

Эрзянь кельсэ эйкакшонь туртов литературасы появась аволь пек умок. Бути ловомс эйкакшоны произведениянь печатамо ушодксекс се шканть, зардо организовазель «Якстере тештине» журналось, сестэ можна меремс, што эйкакшонь литературань появмонь исходной пунктось ули 1931 иесь.

«Якстере тештине» журналонть 1 №-сь лиссь мокшонь ды эрзянь кельтнесэ. Остатка номертне кармасть лисеме эрзянь кельсэ. Кавто иень ютазь те журналось примась лем «Пионерэнь вайгель».

Эрзянь литературанть качествазо се шканть аволь сэрей, секс, чарькодеви, эйкакшонь журналонтень понгонесь материалось берянь, случайной, истямо материал, конань эйкакштнень туртов арасель а эстетической, а воспитательной значениязо.

Ну, кодамо лезэ максы, примеркс, Любушкинэнь стихотворениясь «Пионер», кона печатазель «Якстере тештине» сестэ. Сон сеери:

Пионер!
Пионер!
Тонь течи маряк!
Течи МЮД-ось сась.
Тон течи вайгелеть
Весе масторга
Срадсь...

Тесэ коське лозунгизма ды весе. Неть ды сынт ёнов молиция стихтне аволь ансяк а тейсыз эйкакштнень интернационалистэкс или безбожникекс (кода бажасть, эряви арсемс, автортне), но ёмавтезь эйкакштнесэ стихень ловнома вкусонт.

Печатакшность истяткак произведеният, конатнень ловныцясь эзинзе примакшно секс, што сын фальшивойть, молюсь действительностень, реальной эрямонть каршо.

Примерэнь кис сайсынек О. Клементьевань ёвнеманть «Кустим алксонь инжеть».

Авторось сёрмады: «Сыре бабинесь сайзе палкине ялганзо ды кувсезь корты нушканстень».

— Туян больница, Санёк. Копорем весе синди.

А жаль Сашанень бабазо, овси а жаль. Кежиятсь лангзовозо Сапа, мейс бабазо колхозов мольсь. Ней вана весе колхозонь эйкакштнень площадкас озавтсыз. Азё майсек!

Истят нелепость можналь невтемс ламо.

Но улелель бу а виде меремс, што се шкантось овси арасельть воспитательной характерэнь произведеният. Журналтнесэ писательтне кепсесть героизмэнь, колхозной теветь лезэс инициативань вопрос, религиозной дурманонть каршо ды капиталистической традициятнень каршо вопрос.

Примерэнь кис можна саемс Петра Эркеня «Герой» ёвнеманть, косо сатышка реально невтезь цёрыне, кона тейсь героизма пожардо колхозной сюронь ванстомасо.

Ёвнемас максозь касыця динамика марто, реальна, преувеличениявтомо.

Удачноть зарья ёвнеманзо Силантьевень ды лиань.

Се истэнт ушодозь, зардо эйкакшонь литературань теветь максызь комсомолонть кедьс, эрзянь литературасы количествань коряскак, качествань коряскак пек лиякстоме.

1936 иеста сазь Детиздатось подась ламо кементь эйкакшны книгат, конат переведеннойть рузонь кельсэ.

Оригинальной книгат можна ёвтамс 5 названиязо аволь седе ламо.

Но весе те поддазь литературасы а сатни.

Минек эйкакштне вечкить ловномо художественной литературодо, вешить писательтнень пельде увлекательной,

интригующей книжкат. Секс большевистской партияс ды комсомолось ладясть писательтнень икелев задача—максомс кода можна седе ламо вийть Ленинэнь—Сталинэнь теветь кис будущей бороцямонь воспитаниянь туртов.

Мезе жо минь максынек течи эйкакштнень оригинальной литературанть ёйстэ?

Эйкакшонь туртов сёрмадсть малав весе эрзянь писательтне. Сёрмадсть: Кириллов, Иркаев, Кривошеев, А. Куртюрин, А. Моро, А. Лукьянов, И. Прончатов, Радин, Мартынов, Коломасов; аволь аламо сёрмадсть Э. Пятай, В. К. Радаев ды лиат.

Но сын сёрмадсть аволь регулярна, случайстэ случайс. Эзть ладсе эсест икелев задача—максомс эсест энергиянь сех вадря пельксэнь эйкакштнень туртов творчестваень.

Улемс эйкакшонь писателькс, те значит улемс вадря педагогось, улемс эйкакшонь психологиянь содыякс. Тень жо добовамс можна ансяк сестэ, зардо писателесь посвятит эйкакштнень туртов эсензэ сех вадря шканть, сех вадря вийтнень ды зардо писателесь вечксыз эйкакштнень.

Улит ли минек истят писателенек, конат максты эсест энергиянь седе покш пельксэнзэ эйкакшонь туртов творчестваень?

Мердяно витестэ—улит истят писателенек. Минь кортатамо икелевгак Андрей Юргайде, конась чалгась писательской аренас прок эйкакшонь писатель. Сонзэ творческой жанрась направлен эйкакшонь дошкольной возрастонтень. Кудонь животнойтнеде, эйкакштнень содавикс звертнеде Юргаень стихтнень пек покш эстетической ды познавательной значенияз.

Эйкакшонт мирощущениянзо марто сэрэй связесь ды келень простой чись—вана мейсэ ашти Юргаень поэтической виезэ.

Серьезнасто роботы эйкакшонь тематиканть лангсо А. Щеглов. Сонзэ поэтической приемозо ламосо моли Юргаень поэтической приемонть ёнов. Но Щеглов лади эсензэ икелев задача—улемс эйкакшонь седе покш возрастной кругонь писателькс. Сон сёрмады аволь ансяк дошкольниктнень, но старшей классонь эйкакштненьгак.

Познавательной характерэнь тематиканть марто ве рядсо, сон тейни снартыма скулмакс детской мирэнь социальной противоречиятнень марто. Примерэнь кис можна саемс сонзэ произведениянзо «Дивань тев».

Минь а ловдано, што Щеглов уш овси оформившейся поэт. Мекевланк, сонензэ эряви арсемс еше ламо кой-мезе. Но смелстэ можна меремс, што сон эйкакшонь туртов творчестваонть мусь эстензэ виде ки.

Меезь шкатнестэ кармасть привлекать эстензэ внимания прок эйкакшонь писатель Л. Кавтаскин, конань произведениянзо эйкакштне примить мельс паросо.

Сонзэ творчестваонть сех покш тарка зани ёвксонь тематикась. Ды, тень кувалт, сон минек оригинальной.

Арасть сомненияз сенсэяк, што Иркаев может максомс эйкакштнень туртов увлекательной вешат. Содасынзе эйкакштнень психологиясь В. К. Радаев. Машты сёрмадомо эйкакштнень туртов Э. Пятай, вадря лириказо Н. Киржайкина.

Минек задачанок ашти сенсэ, штобу тееме эйкакшонь литературанть седе покш авторитет, эрва кода лездамс эйкакшонь писательтнень сынст роботасост.

Эйкакшонь литературанть коряс совещаниясонть, кона ульнесь апрелень 3-це чистэ ВЛКСМ-нь Мордовской обкомсо, докладтнеде мейле молюсь пренийт. Течи минь печататано кой-кона ялгатнень выступленият нурькине изложения.

А. РОГОЖИН ЯЛГАНТЬ ВЫСТУПЛЕНИЯЗО

— Эйкакшонь литературасы отличається эсензэ формасонть, художественно-образительной средстватнесэ,—корты эрзянь поэтэс А. Рогожин ялгась,—эйкакштнень сёрмадозь книганть келезе должен улемс шоддыне, чарькодевикс ды образной.

Рогожин ялгась мерсь, што эрзянь кельсэ эйкакштнень туртов вадря стихтэ сёрмадыт А. Юргай ды А. Щеглов ялгатне. Седе тов сон корты сеть стихтнень асатыктнеде, конатнень эрзянь писательтне, поэтне ды, васняк, однтэ кучнить «Пионерэнь вайгель» журналонтень.

П. КИРИЛЛОВ ЯЛГАНТЬ ВЫСТУПЛЕНИЯЗО

Эрзянь писателесь П. Кириллов ялгась эсь выступлениянзо ушодызе сенстэ, што эрзянь ды мокшонь кельсэ лисниция эйкакшонь журналтне оформляються беряньстэ. Сынт эйстэ вастнеть истят рисункат, конат овси не соответствують произведениянь содержанияень. Сеестэ неть рисункатне эрсит истят, конат колыть эйкакштнень вкусост.

Кириллов ялгась истяжо невтезь сензэ, што эйкакштнень туртов сёрмадозь ламо произведениясо пек берянь, стака, коське эрси келес. Вастнеть истят предложенийт, конат пек куват, тапарязь, а чарькодевикс. Минек писательтнень, поэтнень произведеният сехте сеестэ эрсит скучнойть, арась эйсест занимательность, а кепедить эйкакштнень любознательностест.

И. СОЛОВЬЕВ ЯЛГАНТЬ ВЫСТУПЛЕНИЯЗО

ВЛКСМ-нь Мордовской обкомонь секретаресь Соловьев ялгась корты седе, што минек эйкакшонь журналтне не обеспечивают сеть задачатнень топавтоманть, конат аштит минек икеле эйкакштнень воспитаниянь коряс. Журналтнесэ эрсит печатазь аволь доброкачественной ёвнемат, стихтэ ды лия произведеният. Се, мезе сынст эйсэ печатакшныть—малавгак не удовлетворяет эйкакштнень.

— Журналтне,—мерсь Соловьев ялгась,—беряньстэ скулмавозь писательтнень ды поэтнень марто. Писательтне жо эйкакштнень сёрмадыть аволь ламо ды аволь истят ёвнемат, стихтэ, конат бу туевельть сынст мельс.

Минек писательтне овси а сёрмадыть эйкакштнень трудовой ды военно-физкультурной воспитаниядонть. Пек аламо тейсть сензэ коряс, штобу лездамс школанть икеле аштия задачатнень топавтоманть.

А сёрмадыть минек писательтне ды поэтне седе, кода эйкакшось эри кудосо, мезь сон тейни, кода тонавтни школасо, кода вети эсь прынзо кудосо, школасо ды ялга юткео. Апак невте школась, школасо ды кудосо эйкакштнень воспитаниясь.

Весе те лисни секс, што писательтне, поэтне беряньстэ содасызь неень шкань эйкакштнень, сынст эрямост, интересэст, бажамост, а содасызь школанть.

Писательтнень ды поэтнень эряви откликаться сехте злободневной вопроснень лангс. Сын должны сёрмадомс истят произведеният, конат бу лездаволь эйкакштнень формированияень, тонавтовольть бу эйкакштнень трудонть вечкеме, кепедеvelyть бу сынст любознательностест, знаниясь. Минек эрживить истят произведеният, конат эйкакштнень воспитывают коммунизмэнь духсо, эсь родинанть беспрельно вечкемань духсо.

Н. ФИЛИППОВ ЯЛГАНТЬ ВЫСТУПЛЕНИЯЗО

Эрзянь писателесь Н. Филиппов ялгась кортась седе, што минек поэтне, писательтне роботыть, сёрмадыть эрямонть эйстэ сезевезь. Те сех пек отнётся сетнень, кить сёрмадыть эйкакштнень. Сын а содасызь школанть, тосо воспитаниянь, а эрсит школасо, эйкакштнень ютксо.

Секс сеестэ лисни, што писательтнень, поэтнень произведениясто мукшотано эрва мезе, весе, мезесь а эряви, но арасть тосо минек шкань эйкакшт, пионер, апак невте сынст тонавтемас, поведениясь, налксемас ды сынст бажамост. Бути минь сёрмадтано тонавтиция эйкакшто, пионердэ, то лисни кодамо бути карриатура сынст лангс. Эряви отказамс эрвамень «выдумкатнень» эйстэ, но те а корты седе, што а эряви фантазия. Мекевланк, минек произведениятнесэ сон а сатни. Эряви минек седе покш ды разумной фантазия. Главной задачас жо ашти сенсэ, штобу содамс эйкакштнень, пионертнень эрямост, тевет, налксемас, бажамост ды невтемс те художественно полноценной произведениясо. Эряви, штобу минек произведениятне лездаволь эйкакштнень мировоззрениясь ды характерэст воспитаниянь, коммунизмэнь духсо сынст воспитаниянь.

Я. САЗАНОВ ЯЛГАНТЬ ВЫСТУПЛЕНИЯЗО

— Эрзянь ды мокшонь кельсэ эйкакшонь литературасы,—мерсь ВЛКСМ-нь обкомонь секретаресь Сазанов ялгась,—меезь шкантось ламодо седе кассь ды вадрялгась, кассь писательской кадратнеяк. Яла теке минек еше арасть эйкакштнень туртов эрва ёндо паро произведеният. Писательтнень, поэтнень произведениясост улит зарья серьёзной асатыкт. Се, мезе те шкас сёрмадозь ды поддазь эйкакштнень—малавгак минек не удовлетворяет. Минек эрживить серьёзной, паро произведеният.

Писательтне ды поэтне должны кундамс эйкакштнень туртов мордовской истямо литературань тееме, кона бу лездаволь эйкакштнень коммунистической воспитаниянь задачанть решамонтень.

Сёрмадомо эйкакштнень произведеният трудовой, военно-физкультурной воспитанияндо. Сёрмадомо истят книгат, истят стихтэ, ёвнемат, конат бу эйкакштнень воспитывали эсь родинанть вечкеме, воспитывали бу партиянь преданностень духсо. Сёрмадомо эйкакштнень паро произведеният Мордовиянь замечательной ломатнеде.

Покш ды сложной задачат аштит писательтнень икеле эйкакштнень паро произведениянь сёрмадоманть коряс. Но эряви кемемс, што уш маласо шкантось минек кормить улемс истят книганок, конатнеде эйкакштне мерить: «паро». Истямо произведениянь кис эряви бороцяме, писатель ды поэт ялгат!

Советской од ломать—военной училищав

Те иень апрелень 15-це чистэ районной Военной Комиссариатне кармить примамо заявления от ломатнен пельде, конатнен ули мелест поступить Якстере Армиянь военной училищатнес.

Заявления кармить примамо весе сухопутной военной училищатнес: пешотнойтнес, артиллерийскойтнес, связенсетнес, инженернойтнес, автомобильнойтнес, техническойтнес, железнодорожнойтнес, медицинскойтнес, интендантскойтнес ды лиатнес.

Минек республикасонть улить тыщат прекрасной од ломать, конатне бажить молеми тонавтнеми военной училищатнес, штобу мейле улеме Якстере Армиянь командирекс.

Якстере Армиянь командиртне—великой советской народонть сех паро цёрат, весе минек необятной масторонть слава ды гордость. Якстере Армиянь командиртне кие, конат лисеть народонть юктот ды кеместэ сюлмавозь сонзэ марто, эрва чистэ мелавить советской правительствась ды Ленинэнь—Сталинэнь партиясь. Сынет вечксызь минек робочейтне, колхозниктне ды советской интеллигенциясь.

Секс чарьковедияк од ломатнен покш бажамост молеми Якстере Армиянь, васняк, сонзэ военной училищатнес.

Военной училищав примавить 18—22 иесэ од ломать, запасонь рядовой ды младшей начальствующей состав, кона отслужил Якстере Армиясо службань полной срокот ды подлаз долгосрочной отпуске. Запассто примавить 25 иеде аволь седе сыре ломать.

Военной училищав тонавтнеми молицятненень эрявикс общей образованиань объемось зависит училищатнен группанть эйстэ, но сон улезэ неполной средней школань (семилеткань) образованиядо аволь вишкине.

Ней партийной организациятнен, комсомолонть ды советской общественностень задачкаст ашти сенсэ, штобу удовлетворить од ломатнен мелест молеми тонавтнеми военной училищав. Эрявить кучоме военной училищав минек сех вадра од ломатнен, конат политически ды морально устойчивый, физически кеме, технически грамотный. Кучоме военной училищав истят ломать, конат военной профессий.

КИНО

„Валерий Чкалов“

Чкалов!.. Кодамо покш те ломанесь, кода вечкезь лецни те элемент советской народсь, конань верной цёрак сон улнесь.

Весе виензэ, эрямонзэ Валерий Павлович максызе сенень, штобу тееме минек масторонть киненьгак а изнявця крепостекс. Весе мирэнт дивавтызе Чкалов, зардо ялганзэ марто ливтась Московсто Северной полюсонть троке Америкав. Те сон невтизе весе мирэнтень советской народонть виензэ, докачинзэ ды бесстрашиязо.

Чкалов улнесь сеть ломатнестэ вейкесь, конат зардоак а пешкить вейко таркасо, конат свал ансяк вешнить эрямонсонть одт ды одт изнявкст, чиде чие касыть, совершенствуются.

Истямокс нейсынек минь Чкаловонь «Валерий Чкалов» фильмасонть. Вана эряви ливтамс. Ки ливти истямо пиземе ды буря шкане, зардо, кода мерить, сельме-чама а неят. Кепететсь Чкалов. Сон аволь ансяк кепететсь, но успешносто тонавтызе сонензэ максозь заданиянь.

Истямо уш нать улнесь Чкаловонь коезэ, а маштыль сон «састо» эрямо.

янтэ ловить эсестэрямонь призваниякс.

Военной училищав тонавтнеми молемадонть заявлениятнен эряви макснеми эсь районнь Военной Комиссариатов лично или кучоме почта вельде. Заявлениясонть ёвтамс кудонь ды роботамо таркань эсь адресэсь. Заявлениятнен истяжо можна кучнеми непосредственно соответствующей военной училищань начальниктень лемс.

Эрвась, кие арси молеми тонавтнеми военной училищав, райвоенкоматсто получи справка седе, зардо ды кодат кучоме документт, зардо кармить улеми предварительной испытаният ды медицинской освидетельствования, зардо молеми училищав приемной испытаниясь ды лия эрявикс справкат.

Военной училищатнен уконтруктованиясь—политической ды государственной покш важностень задача. Тезадачанть по-большевистски должны решамс партийной ды комсомольской организациятне. Комсомольской организациятне должны бороцямс военной училищатнес сехте вадра комсомолептнен ды од ломатнен кучоманть кие. Ленинской комсомолонь сехте вадра члентне должны улеме Якстере Армиянь лейтенантокс ды военной техникес.

И. Староватых,
МАССР-нь Военной Комиссар.

Физкультурной кружок

Шугурова велень средней школасо организовазь физкультурной кружок, конань эйсь руководит 10-це классонь тонавтниця И. Ромашкин.

Кружоконь бесе члентне максызь ГТО-нь, ГСО-нь, ЦВХО-нь ды ВС-нь значоктнен лангс норматнен.

Ф. Пивкин.

Б.-Березниковской р-н.



СНИМКАСОНТЬ: Американской аэродромсо В. Чкаловонь вастомазо. Американской радиоконпаниянь репортерось (артистэс Г. Клеринг) сани интервью В. Чкаловонь кедьстэ (артистэс В. Белокуров).

Лисьмапрякэ чавсь эйстэнзэ энергия, а оймавикс вий. Ливти верев, меств ансяк сон тосо а тейни: то налтокс лязь пельтнен, то велязь-чаразь разди коштонть, то кевкс карми прямо алов..

Чкалов гражданской летчик, сон ускси пассажирт. Берянь ёжозо, аволь эсь таркасонзэ сон. Сонзэ мелезэ куземс седе верев, тейнеми петлят. Чкалов озавтызе машинанть, валтынзе пассажиртизань ды... эзь пидярдо—тусь те роботастонть. Сон вешнесь седе покш тев, косо максоволь бу седе ламозэ эсензэ родинантень, народонтень.

Чкалов понгсь авиационной заводов. Сон—летчик—испытатель. Роботы те-вензэ вечкезь. Ливтнеми од машинасо, конань лангс еще кияк эзь ойсе ды, парочинзэ содамодо мейле, максоме те самолетонть родинантень—покш тев.

...Коштсо моли «бой». Весе ванить верев. Вейке самолетось кармавтызе омбонень валгомс. Но мезе теевсь, мекс а валги изнициясь? Сталин кучсь самолет, штобу летчикесь кирявтоволь парашютсо. Кирявтомань таркас летчикесь ёртсь запискине, што бути кулан машинась паро. Кода летчикесь парсте озавтызе машинанть, сонзэ ваксэ молись Сталин ды мерсь:

— Куломс стака, но а истя трудна, Чкалов ялгай!.. А вана минь истят ломатнен кие, конатне бажить эрямо,—эрямс кода можна седе кувать, бороцямс, врагонть чавомо ды изнямо...

— А уж бути рисковать, ансяк се-стэ, зардо эсь икелеть неят покш, покшток покш цель.

Те вастомась Чкаловнень макссь пек-ламо. Сон кармавтызе стувтомс весе

Границань томбале

Югославиясь

(Справка)

Югославиясь—Балканской полуостровсонть сехте покш государстватнен эйстэ вейкесь. Сонзэ улить общей сухопутной границанзэ Германиянь ды Италиянь марто. Югославиянь территориязо 247 тыща 542 квадратной километра, населениязо—15 миллион 700 тыща ломань. Численостензэ коряс васене национальностекс аштить сербтне, омбоне тарка занить хорватнэ, колмоце—словентнэ. Теда башка, Югославиясо эрить черногорецт, боснякт, румынт, немецк, венграт, албанецт, македонцт.

Югославиянь столицасонть Белградсо лововить 265 тыща эриця.

Югославиясь—пандов мастор. Масторонть центральной пелькссэнзэ эрси алкине температура ды ламоз лов марто пек кувача теле. Ды аволь случайна югославской армиясь виевстэ анокстась боевой действиятнен аволь ансяк горной, но суровой климатической условиятнесэяк.

Югославской армиясь ловови сехте вадрякс Европань юговостоксонть.

Югославской солдатнэ вадрясто анокстась. Мобилизациянь случайстэнтэ масторось, иностранной печатенть даннонзэ коряс, может аравтомс малав 1 миллион 800 тыща боец. Авиациясь ашти васене линиянь малав 800 самолетсто, морской авиациянь 120 самолетсто.

Югославиясь—аграрной мастор. Крестьянтнеде лововить 76 процент весе населенианть эйстэ. Тяжелой индустриясь ды машиностроениясь развитой лавшосто. Вооружениянь коряс Югославиясь ламосо зависит ввозонть эйстэ.

Югославиянь королевской престолонть зани Карагеоргиевичнень сербской династиясь. Меельсь событиятнен самс масторонть управлял Петр II-й короленть аволь совершеннолетиязо кувалма—принцесь-регентэс Павел. 1941 иень мартонь 27-це чистэ Петр II королесь являвтьсэ сонзэ кедьс королевской властенть ютамо, ды Югославиясо образованной од правительства Душан Симовичень пряттсо. Правительстванть совасть весе политической партиятнен представительст.

СССР-нтэ ды Югославиянтэ ютксо дружбадо ды ненападениядо договоронь теиманть лангс иностранной печатенть откликензэ

Германской информационной бюрось ды Стефани итальянской агентствась печатызь СССР-нтэ ды Югославиянтэ ютксо дружбадо ды ненападениядо договоронть целанек текстэнзэ.

Рейтеранглийской агентствась пачтизе радио вельде договоронть целанек текстэнзэ, ды истяжо выдержкат «Прав-

да» ды «Известия» газетань передовойтнестэ. Договоронть целанек текстэнзэ печатызь американской сехте покш газетатне ды весе аргентинской печатесь. Офи (Гавас) французской агентствась договоронть текстэнтэ марто ве шкасто пачтизе выдержкэс «Правдань» передовой статьянтэ. Договоронть теемадо сообщениат печатась японской, турецкой, мексиканской газетатне. Заря шведской газетатне печатызь договоронть целанек текстэнзэ. Ламоз газетатне посвятили договоронть специальной статьянтэ, конат тешктнесызь те документанть покш значениянзэ мирэнт кие ды войнань келейгавтоманть каршо бороцямосонть.

(ТАСС).

сень, мезесь лиясто а эрявил летчикентень, мешиль ливтнема теветень. Чкалов теевсь виев героке, сталинской соколокс.

Те кеме, виев богатыресь, кона кайсь Равонть чиресэ, улнесь сырнень седей ломань, пек паро ялга.

...Вана ливтить сынь Америкав, ливтить пек верьга, а мейсэ лексемс, кислородонть эряви ванстомс. Чкалов молись ялганзэ ваксэ ды макссь тензэ лексемс кислород; истя жо сон тейсь омбоне ялганть мартояк. Тестэ неяви, кода Чкалов заботась ялганзэ кие ды тетя ладсо жалась эйсэст.

Мезе бу Чкалов аволь тее, зардоак эзизе стувтне, што теи родинантень, советской народонтень, конат заботить сонзэ кие истя жо, кода сон сынст кие. Кода сонзэ Америкасо кевкетизь, зардо сонзэ сюлавчизэ, Валерий Павлович отвечась, што 170 миллион, но, зардо весе дивазевсть, мерсь, што аволь ярмак, но ломать, конатнен лангс роботы сон, а сынь сонзэ лангс. Те парсте корты седе, кода Чкалов вечкесь эсь родинанзэ, сонзэ народонтень.

Чкаловонь минь содасынек минек родинань прок пародояк паро цёранть, кона зардоак эзь пеле стакачиденть.

Истя сон невтезь «Валерий Чкалов» фильмасонтькак.

А. Рогожин.

Ответ. редакторось А. ШЕГЛОВ.